

596
9

596

9

DISCORSO

del Canonico Teologale

SALVATORE CARBONI

PRONUNCIATO IN ORUNI

nel 3 Giugno 1873



NUORO

TIPOGRAFIA DEL RISORGIMENTO

1873.

Signore

Improvvisando io il discorso, che pronunciava in codesta d'Oruni per lo insediamento a Rettore del Teologo Angelo Garzia, non intendeva certamente fare un lavoro degno della stampa. La S. V. però dicendomi che la popolazione d'Oruni *in questo tempo dominato dal solletico della pubblicità*, non vuol mostrarsi da meno della popolazione di Olzai, la quale si pubblicava il discorso tenutosi nel giorno del possesso di quel degno Rettore, e pregandomi a concedergli il manoscritto, mi pene, come si suol dire, fra il martello e l'incudine di conseguenza, che io, non illudermi punto, prevedo.

Mezzano di fatti questo favore? Togliere o aggiungere qualche cosa al manoscritto? Il primo sarebbe non curare la benevolenza, che mi si mostra; il secondo, niun convincimento di quanto ho predicato colla voce. E dunque? Dunque, sobbarcandomi alle eventualità, mando il manoscritto alla S. V. perchè lo legga, ed ove perseveri nella determinazione di pubblicarlo, stampi, quasi cappello, la presente, che può servirmi di scusa, presso i Lettori, se scusa vi può essere, in chi colla stampa, si sottopone al giudizio del Pubblico.

Di V. S. Ill.ma servitore

Nuoro, 9 Giugno 1873.

SALVATORE CARBONI. Canon. Teol.

Pacificusne est ingressus tuus?

Et ait: pacificus! — 1. Reg. 16, 4.

In su primu libru de sos Res si leghet chi Deus cumparzesit a su profeta Samuele; e: anda, li nesit, a Betlemme, anda, e inie càn-sagrami a re dē Israele, unu figu de Isai, chi eo n'hapo elegidu, naen-de già definitivamente abandonadu cuddu Saulle, chi tue debes cessa-re de pianghere. Obbidesit su profeta, pustis però chi Deus matessi suggeridu l'haiat su modu de calmare su timore, chi abizerzesi Saul-le de tale viaggiu, intentadu diat haer sa morte de su divinu manda-du. Ed incaminadusi ai cussa cittade, totus sos lezzos e principales de sa matessi, maravigliados de s'avvenimentu, andesint ad encontra-s' homine tantu veneradu, e timidu a su propriu tempus, dimandendeli: *Est pacifica, o no custa, bennida tua? Pacificusne est ingressus tuus?* Sì, certamente, rispondet Samuele, sa bennida mia est pacifica: *et ait: pacificus!* So bennidu inveridade, pro offerrer unu Sacrificiu a su Signore: *ad imolandum Domino veni.* E pro tantu, santificadebos totus e benide cum megus ad offerrer tale sacrificiu: *Santificamini, et venite mecum, ut immolem.*

Non mi vanto co, o iscultantes umanissimos, non mi vanto unu profeta, non adornadu de sas virtutes, non risplendente pro sa santida-de de Samuele o de ateros divinos ambasciadores; no! Eppure (lu dia-zis credere?) cuddu Deus, chi, in sos tempos passados, mandesit Samu-ele a sa cittade de Betlemme, custu matessi, in sas dies passadas, per bucca de s'Angelu de custa Diocisi, su Piscaniu, chi *Spiritus San-ctus posuit regere ecclesiam Dei*, hat cummandadu a mie de benner a

custa bidla! E seriamente in me matessi riflette
sos principales, sos bezzos de custa popolazione
d'una, nò isco cale, ansiedade, totus fagher a m.
sos Betlemmitas fatta a Samuele: *pacificusne est ingi-*
nida tua a logu insolitu, e quasi quasi non connosch-
tare sa paghe, oppuru sa discordia?... Eh! cristianos,
mo in testimonzu, ischit chi sa bennida mia est pro ap-
bei esseret discordia, e non sa discordia si bei est pag-
ancora eo so bennidu pro offerrer unu sacrificiu
a su Deus bostru, a su Deus de sos veros cristia-
parracu in possessu de custa parrochia, chi nd'est priva,
ai custa ecclesia, rendida viuda! Cust'est s'oggettu de sa m-
e dae parte mia so prontu de eseghirelu pienamente.

Itte mancat edducas, si non chi dae parte bostra fattedas cantu...
lehat prescritta a sos abitantes de Betlemme, santifichendeos, prò coglu
sos fruttos de custu sacrificiu? Ah! *Santificamini et venite mecum ut immo-*
lem liapo a narrer a bois cum su profeta! Si santificadebos, o cristianos,
santificadebos uniformende sa bostra a sa divina voluntade: e betide cur-
megus ad offerrer, custu sacrificiu. Siedes seguros de cogliere fruttos tantu
pius abli udantes, cantu pius sa vittima, chi si consacrat, est accetta a Deus,
est elegida dae Deus, est digna d'essere, a Deus Chi est su propriu
de narrer in modu pius giaru: Seguros chi s'homine, chi eo ponzo in pos-
sessu de custa parrochia, del apportare tantu mazore bene a sas animas,
a sos corpos bostros, bastat chi bois bos rendedas dignos, cantu pius
est certu, chi taie homine est mandadu dae Deus; proite chi ipse n-
fit dignu. Chi est appuntu cantu intendo dimostrarebos.

Su Teologu Angelo Garzia, naschidu in sa citade de Tatari, ispintu
e dae s'indule propria e dae s'educazione de sos mazores suos, finas
dae sa prima pizzinnesa a graves istudios s'est dedicadu; disponendesi
cum custos a su grande sacrificiu, chi intendiat offerrer a Deus, offerrende
totu se matessi, cale ostra purissima de abnegazione e de penitenzia.

Appena in fatis a s'edade giovanile arrivadu, pro nde fuire sas
lusingas e i sos perigulos, sas agiadesas e i sas commodidades abbandona-
vat de su mundu. E dende un'adios a sos amigos, a sos parentes,
a religione monastica professesit de Santu Franciscu in s'Ordine clau-
strale. Est in custu ardente grisolu de voluntaria povertade, de zega
obbedienza e de castidade perpetua, chi Deus, pro ispaziu de vin-
toito annos, hat a totu proa purificadu cust'oro preziosu in natura.

Est in su monasteriu chi Deus s'hat perfezionadu cust'homine in sa prudenzia, in sa passenzia, in sa mortificazione, in su trabagliu e in d'ogni sacrificiu, prochi, cum s'eserciziu de sas pius bellas et eminentes virtutes, si prepararet cudd'apostulu, chi, in criticas circostanzas, intendiat mandare tra bois, pro si sacrificare interamente subra tre de su propriu dovere, diventadu Rettore de Oruni...

Rettore de Oruni ? !

Deh! còmente a s'improvvisu sa mente mia si turbat! Deh! cantu mi si restiaghèt su coro, e, arida sa limba, pronunciare ipsa non podet unidas custas duas paraulas: *Rettore de Oruni* ! Paraulas sunt custas, chi cantu male hant sonadu in sos meses passados, ater'e tantu orribiles immagines rappresentant a sa mente de chie hoe pronunciare las avevet, pronunciadas las intendet! Ah manu vindicativa, manu sacrilega, si sa memoria de s'opera tua faghèt siccare su samben in sas venas, proite, deh! proite tue ancora non ses sicca, fulminada dae su Chelu, a memorandu iscramentu de sos venturos ? Proite, deh! proite, assumancu riconoscida dae s'umana giustizia, e aggravada dae ferru uguale a s'iniquidade tua, non ses impossibilitada a misfatto tantu orribiles ed esacerandos ?

Rettore de Oruni ! . . Paraulas sunt custas, o incultantes, chi, si non timere de mortificare sa popolazione intera, dia usare pro fagher similes dimandas:

Oruni, ue 'est su Rettore tuo ? . . .

Rettore, còmente has lassadu s'Oruni tua ? . .

Hapo a narrer eo custu manzanu cum Gesù Crìstu ad Oruni cuddas paraulas: *Ierusalem, Ierusalem quae occidis prophetas et lapidas eos qui ad te missi sunt*. Gerasalemme, Gerasalemme, chi boechis sos profetas, e lapidas cuddos, chi ti sunt mandados? No, non credo chi tale siat Oruni ! Ad ogni modu, permittide iscultantes, chi totu accesu de fogu esclame: Oruni, Oruni, ecco chi mentres sas campagne tuas ancora sunt bagnadas de samben sacerdotale, Deus ti mandat unu nou sacerdote ! Hapo a sighire a narrer a sos Orunesos, presentende Angelu Garzia pro grande sacerdote de custa Parrocchia, cantu in su matessi logu (Math: 23) narat su Redentore: *implete ueniam patrum vestrorum*: pienade sa misura, sighende sa via conosciada, prochi. A . . . Garzia umile, pacificu, laboriosu, onestu in vida, sit in morte . . . pro totu unu de cuddos *quos Deus predestinavit conformes fieri imaginem filii sui*? E de bois si nerzat poi (did) *serpentes, gemitum ruper*

rarum, quo modo fugetis a judicio gehennae: Serpentes, razza de viperas. comentc mai dezis poder fuire dae su giudiciu terribile de Deus ? Giudiciu, chi oltre de cundennare sas animas ad unu eternu tormentu cundennat ancora sos corpos, faghende in modu, chi siant desertadas de abitantes sas domos, e destruidas sas familias dae sas pius ispaventosas iscomunicas, chi ateru non produint, che fruttos de maledizione ? *Ecce relinquetur vobis domus vestra deserta* (ibid) !

No, iscultantes amados, non mi bastat su coraggiu de fagher toles sambenosos rimproveros a sa popolazione de Oruni, pro indole docile, e, comentc eo credo, innocente. Ad ogni modu però una manifestazione bos est assolutamente necessaria, si non addainnantis de Deus, el totu ischit e conoschet, assumancu addainnantis de sos homines a vista de sos cales non podet penetrare in totu sos occultos misterios de certos avvenimentos. E pro tantu a s'annunziu de su nou Rettore, chi bos det benner, e sa sacra cerimonia, chi eo devo fagher pro lu poner in possessu de sa Parrocchia, esclamade cum sa boghe, esclama de cum sas operas: *benedictus qui venit in nomine Domini*: Beneittu cuddu, chi benit in nomen de su Signore ! Né cretedas chi eo tale cos capricciosamente pretenda; nè, oet Geù Cristu matessi, chi, cum sa protestas pius attrattivas, e, a su proprio tempus, pius minettantes bos assecurat chi privos dezis esser de grazia, de favores, de sa cara sua finas a cando, pius cum s'espressione de sas operas, pius cum sos affetos de su coro, che cum sas paraulas, non nades: beneittu cuddu chi benit in nomen de su Signore: *Dico enim vobis non me videbitis ammodo donec dicatis: benedictus qui venit in nomine Domini* (ibid) Pro chi cum tale esterna dimostrazione, accompagnada dae sos internos movimenti de s'animu bostro, mustredas a totus chi Oruni non est cudda popolazione barbara, crudele, ispiadada, chi si dilettat isparghende su samben de su frade, de s'amigu, de sos sacerdots !

Angelu Garzia poi (chie nde podet dubitare ?) benit ad Oruni in nomen de su Signore, mandadu dae su Signore, pro si sacrificare a su Signore ! Si pro si sacrificare a su Signore, non det timere ipse nè frittu nè calore; non sos pirigulos de occultos inimigos, nè de falsos frades, non sos rigores de sa die, nè s'oscuridade de sa notte; pro chi abundantissimos si regogliant sos fruttos de sa passione de Cristos dae bois, mediante s'insinzamentu de sa dottrina Cristiana, mediante s'ispiagazione de sas massimas santas de s'evangeliu, mediante sos boi esemplos, e ispecialmente cum s'amministrazione de sos sacramentos,

chi su Redentore nostru hat lassadu a sos Parracos e curadores de animas, pro fagher bonos fizos cum sos babos, bonos babos in sas familias, bonos cittadini in sa patria, bonos sudditos in su regnu, bonos cristianos in sa ecclesia. Custos sunt sos doveres de unu bonu Parracu ! E pro tantu cale det essere cuddu tra bois, su cale, si cum su rinnegamentu de sa fide, non hat oscuradu su carattere indelebile de sa religione nostra santissima, non nerzat de Angelu Garzia: Beneittu cuddu, chi benit in nomen de su Signore? chi unzis non esclamet: Oh ! cantu sunt bellos sos passos de un homine, chi benit pro nos annunziare sa paghe, sos veros benes: *quam speciosi pedes evangelizantium pacem; evangelizantium bona!* (Rom: 40. v. 45)

Ma s'hat a poder dubitare chi Angelu Garzia benzat ad Oruni mandadu dae Deus? Oh dubitent puru sos interessados a dubitare ! Dubitent sos incredulos; dubitent sos debiles in sa matessi fide, chi professant; sos cales o a causas secundas attribuint sos effettos de sa prima e prior causa, chi est Deus; oppuru effettu alunu non attribuint a sas causas et imprescruttabiles disposiciones de su matessi Deus, si consideradu non est dae unu manifestu ed evvidente miraculu ! Pensent cointe charent custos; chi eo diversamente la penso ! Eo ischende chi Deus cum numeru, pesu e misura, chi Deus fortemente e suavemente guvernat su mundu interu in modu, chi de ipse, e de ipse solu si potat narrer cum s'Angelicu Dottore santu Tommasu (art. 3, de ideis) *cuius est cuncta ad finem ordinare*; isco e confesso chi in infinitas maneras (a sa mente umana incomprendibiles) arrivat Deus a consighire su fine, chi ipse si hat istabilidu in su secretu concistoriu de sos eternos decretos suos; pro chi dae s'arvore in terra non ruat foza, chi dae ipse non siat sapientemente preordinada. E pro cunsequenza, devo riconnoschere, devo manifestare apertamente una divina preordinazione in Angelu Garzia mandadu Rettore de custa parrocchia !

Appena infatis in modu gai barbaru e disonorante a su cetu sacerdotale e a s'umanidade intera, custa parrocchia est istada privada de su parracu suo, Deus considerende, chi sa massima parte a su maucu, o lotu intera custa popolazione, fit innocente de su sacrilegu ed esecrandu delittu committidu dae bestias feroces, sas cales latte non hant suzzadu dae pettus umanu, ma dae ferocissima tigre ircuna; Deus, invece de dare cudda maledizione, chi pronuncindu haiat Davidde (1) contra s'...

(1) Montes Gilboe, nec ros nec pluvia veniant super vos: neque sint agri primitiarum, quia tibi ibietus est ely, eus fortiam, elypeus Si... nisi non esset unctus, elco 2, Reg. 1 21

montes de Gelboe, in sos cales, quasi untu non esseret cum s' Ozu santu, assassinadu ist'esit Saulle; Deus, cuncetrende su pesu de sas malediziones suas supra de sos solos iscellerados, pens'esit subitu a sa moltitudine innocente de Oruni, e pro cunsequenzia, a ridonare su par-
raeu ai custa parrochia, su Rettore a sa ecclesia de santa Maria, su pastore ai custas animas, su babu ispirituale ai custa popolazione, su ministru de paghe e de riconciliazione tra s'homine a peccare inclina-
du e Deus prontu a su perdonu de sas Maddalenas iscandalosas, de sos Dimas ladrones, de sos Davides adulteros, de sos Pedros ispergiuros de sos Zacheos usurarios, de sos Paulos assassinos. A tales chi ipse, su cale pioet subra sos giustos e peccadores, e i su sole suo faghet ispuntare subra sos malos e i sos bonos, haeret, dae parte sua, non solu mantesu s'innocente in s'innocenzia, su santu in sa santidade, su giustu in sa
giustizia sua, ma si possibile esseret, ispintu su peccadore a penitenzia e convertidu s'impiau dae s'impiedade sua, prima chi s'impiedade e
noas impiedades l'haeret ispintu!

Fit assoluta necessidade adduncas de sa divina misericordia su bene communu chi Deus haeret provvididu; e bei provvidesit e d'unu de cuddos modos, chi pro aleunos podent parrer unu puru e su, una combinazione accidentale, ma chi pro Deus, est ordinadissima disposizione de cudda provvidenzia, chi taptu pius est semper pronta ed efficace, cantu pius est urgente su bisonzu. Angelu Garzia infatis senza chi poteret ne mancu sonniare su tristu avvenimento de Oruni, benzesit a Nuoro, e pagas dies de pustis s'orrendu misfattu, intresit a rettorale concursu, intimidadu pro ateras parrochias. E atera parrochia e non cudda de Oruni, pretendiat ipse eum su nobile e brillante espe-
rimentu, chi desit, ma *non volentis nec currentis, sed miserentis est De-*
narat santu Paulo (Rom. 9 v. 16) o siat, sas cosas non succedint se-
cundu disizant cuddos, chi cherent, e current pro afferrare, ma se-
cundu sa voluntade de su misericordiosu Signore. E custa voluntade divin.
retadu l'haiat pro esser Rettore de Oruni, e non de ateru
gu comeente non bei est potenzia, non sapienzia, sa cale potat
is a sa voluntade de Deus: *voluntati enim eius quis resistit?*
demand. e s'Apostulu (Rom.¹¹ 19), o s'ecclesiastica ne sa civile au-
toridade bat fattu resistere. Ma est chi giusta tale divinu decretu
ha adu su dignissimu. Ma su de Nuoro, chi pro Rettore de Oruni
proponet Angelu Garzia. Ma su Sole Romana e a su provvidu Gover-
nu de su Re nostru: e a su decretu operante su in l'liber-

Vicariu de Gesù Cristu, ispedende sas bullas rettorales ad Angelu Garzia, e i su Governu Civile, apponende a sas Bullas matessi su Decretu de esecuzione.

Como, considerende sas cosa in su sensu ipsoro, chie non est o da' errore preoccupadu in sa mente, o dae ateras consideraciones alteradu in su coro, giughet seriamente fra se matessi prima, e pustis nerzat si in custa missione non pensada, non cretida, bidet evvidentemente sa manu divina: prochi Angelu Garzia, chi cum sa preigazione de sa divina parola ed ateros apostolicos trabaglios, in medas logas de sa Sardigna, fit diventadu, ottimu mastru pro istruire s'ignorante in sos divinos misterios, peritissimu meigu, pro sanare sos ispirituales malaidos, dulce confortu pro sollevare sos afflittos, firmu sostentu pro reggere sos debiles; fit diventadu amigu fidele, frade costante, babu amorosu de totus sos cristianos abbandonados; diventeret in Oruni babu, frade, amigu, sostentu, confortu, meigu, e mastru cum su diventare Rettore de custa parrochia, pastore de custa popolazione ! Nerzat si dignu esseret de sa Rettoria de Oruni un homine educadu e istruidu in s'iscuola umile e meravigliosa de su poveru de Assisi non ad essere superbu, bestende splendidamente, lautamente manighende e biende, fraighende palattos, serrende possessos accumulende tesoros, ma ad esser umile, rispettende a totus, bestende poveras lanas, pratichende su diunzu, trabagliende in sa mistica binza de Sabaoth, e in custa sola riponende sos interesses, e, inie, cale rosa fra sas ispinas, mandende odores suaves de castidade, de modestia, de astinenzia e de moderazione. Nerzat si dignu esseret de sa Rettoria de Oruni un homine, su cale in tale modo hat coltivadu sos sacros istudios de sa Teologia, chi mandadu in Roma tra sos distintos e dignos de sos istudios de perfezione, sa laurea dottorale hat meritadu in su collegiu de Santu Bonaventura. Nerzat si dignu esseret de sa rettoria de Oruni unu iscienziadu, su cale in sas oras de ricreazione, tale trasportu, tale tendenza mustresit a s'arte bella de sa pintura, chi sos superiores suos hant fundadamente isperadu de cogliere onores e laudes dae tale abilita sua, e a s'accademia lu mandesint de Santu Luca, ad imparare s'arte divina dora de sa naturalesa creada. Et ipse in tale modu hat coronadu su s'ispiranza, chi pro battor annos de s'ighidu ottenzesit su premiu de distinzione in mesu a pius de battor chentos pretendentes.

Nerzat si dignu esseret de sa Rettoria de Oruni un'homine, che costretu dae sas legges civiles ad abbandonare sa paghe, e a suenziu de su monasteriu, non hat abbandonadu sas virtuosas monasticas abito

dines; e pro cussu totu chi fattu Professore de designu e de pintura in su patriu Liceu, puru non hat lassadu sos esercizijs de su bonu Sacerdote, de su preigadore apostolicu. Ecco s'homine chi eo bos presentu, o Orunesos, e chi hoe cunsagro a custa popolazione, ponendelu in possessu de custa parrochia, comente Samuele cunsagresit Davidde a re de su israeliticu populu!

Cristianos una de sas pius grandes iniquidades de su Sacerdote catolicu, credo siat cuddu de narrer istudiadas faulas dae pès de s'altare, laudende, o dispreziende cuddas personas, chi de laude o de dispreziu sunt indignas. Persuasu eo de custa veridade, credo de haer operadu finas a como secundu custa persuasione, nè mi paret de haer inancadu hoe, (istende a sas relaciones, dignas de fide) laudende Angelu Garzia cale homine de educazione de istudio, de scienza, de moralidade, de disinteressu, de trabagliu, de paghe, de amore fraternu !!

Paghe, amore fraternu?! Ahime! popolazione isventurada (permitted, e non ti offendas, si eo. dende isfogu a s'animu meù troppu impressionadu, non isco narrer, si dae dolore, o dae speranza, non pro male, chi ti cherzo, ma pro bene chi ti disizo, ti giamo: isventurada) Ahimè! popolazione isventurada! Ogni bene podes tenner in custas dies agitadas, in custu tempus calamitosu, ma sa paghe, sa concordia, s'amore fraternu isco chi ti mancat! Totus mi lu assigurant; e tue e totu non negas chi s'amigu de s'amigu, su frade de su frade, su babu de su fizu pius non si fidat in Oruni senza perigulu! Tue e totu non negas chi ses timende chi ses timida! Cale vida est custa tua? Ite ti balet chi tenzas pane e casu, trigu e binu, seminados e bestiamene, tancas e binzas, oro e prata, si ti mancat sa tranquillidade sa paghe? Mira, in su pitticu sou, unu maridu in discordia cum sa muzere, una muzere chi diffidat de su maridu. Cales dies passant ipsos, cales nottes? Cale educazione dant a sos fijos ipsoros, cale ordines a sa servitudine, cale attenzione a sos interesses? Cale tranquillidade godit cussa familia, ancora chi sa domo siat piena de dinari e de ogni bene materiale? Certu diventat unu caos, un inferru disordinadu. Sa propria cosa est una popolazione priva de paghe e de cuncordia! Ipsa dae se matessi s'avvilit, si turmentat, si traighet si persighit, si destruit! Sa increada sapienzia de Cristos lu nat: *Omne regnum in se ipsum divisum desolabitur*; lu confirmat a tie s'esperienza de Dolu-sorre, de Sinnai e de tantas ateras popolaciones, de sas cales in sas cam-pañas de Oruni matessi, como non bides, si non calchi fundam^{en}to si sas predas de sas domos isparghidas in sos campos, diventaghe al-

torios pro sas inimicizias e discordias, dae cando sint biddas felices, numerose popolaziones in tempus de paghe.

Sa paghe, o cristianos, est in sa popolazione cuddu, chi su sale in su cibù ! E in cuddu propriu modù, chi sos menzus cibos diventant nauseantes, e si frundint, si sunt senza su cundimentu de su sale; gai ogni bene, ogni interessu est privu de cundimentu, cando mancat sa paghe ! Su bisonzu chi Oruni tenet de paghe est riconoscidu da totus sos benes penzantes ; dae sas autoridades ecclesiastica, civile, giudiziaria, amministrativa. E, paghe paghe, ti nant totus, paghe, Oruni, paghe e amore fraternu, si cheres bider prosperare sa patria tua ; si non cheres chi su passizeri viaggende in custa montagna, e bidende domos ruttas, pedra isparghida, ruu e teti in sos caminos, diventados andejos de cabras e de feras agrestes, nerzat; inoghe sit sa bidda isventurada de Oruni, sos abitanti de sa cale pari pari si sunt borchidos, pari pari si sant distruttos; proite no hant calculadu chi su primu fundamentu de ogni popolazione est sa paghe ! !

Oh ! paghe ! oh ! bella, oh ! ammirabile virtude de sa paghe, chi Gesù Cristu hat annunziata a sos homines e dae sa grutta de Betlemme, e dae su Golgota, e dae su Cenaculu, e dae su Taborre, e dae ogni logu, comente su primu costitutivu de s'umana sociedade in terra. comente simbulu de salvazione in su Chelu; chie mai, chie mai ti det fagher in custu tempus ispuntare supra de sas montagnas de Oruni ? Chie det essere custu pro lu laudare comente cuddu, chi faghet miraculos in sa vida sua ? *quis est hic et laudabimus eum ? fecit enim mirabilia in vita sua*, faghende ispuntare, creschere e prosperare sa paghe in Oruni, e cum sa paghe prosperare custa popolazione ! Chie det essere custu bene avventuradu, pro li narrer intrende: ah beneittu sias tue, chi benis in nomen de su Signore, pro poder produire in custa terra sterile e senz'abba, fruttos de felicidade temporale ed eterna ?

Chie ? *Uscitades* chie est custu ? Est su Rettore, chi Deus bos marbat, o Orunesos, e s'apostolu provvidenziale, est Garzia, s'Angelu custodiu de custa popolazione ! O chi eo sonniende, m'isbaglio ?... Nò, non sunt sonnios de mente malaùda, chi cosas impossibiles si rappresentat; ma est isperanza fundada in s'esperienza de su passadu ! Sa bidda de Uri e sas ateras sardas popolazione testificant sa tendenza, e s'Angelu Garzia in pacificare sos animos, e induirelos a

Tra totus bastet su fattu sighente: su chi est destina
R 110tru andesit a fagher su Caresmale in Casteddu

ischidu chi totu s'Ang'ona fit divisa in sambenosos partidos; de veru ministru de paghe, penset subitu de pacificare cussos aninos rendidos feroçes dae s'ispiridu azegadore de sa vinditta, e ispinghidore ad ogni misfattu. E, si postu non bei haeret in mesu ostaculos e vanos pretestos un homine appartenente a unu cetu, pro convertire su cale, non bastant preigas, nè ateras persuasiones, ma est necessariu unu istraordinariu miraculu de sa divina onnipotenzia, Angelu Garzia diat haer portadu a pienu cumplimentu cuddas paghes, tantu laudadas e dae su Guvernu e dae sos Governados, chi hat tento s' onore de concludire definitivamente, in cust'annu matessi, s'illustrissimu e Reverendissimu Piscamu de Tempio.

Como dimando; si Angelu Garzia hat tentu su coraggiu de tentare paghes tantu difficiles; si pro diabolicos ostaculos non las hat concluidas, certu est chi hat fattu nascher in medas su disizu de paghe; certu est chi hat preparadu su terrinu pro cuddas paghes, chi tantu gloriosas sunt creschidas e a sos pacificados e a sos illustres pacificantes. Chi si poi tantu hat potidu fagher su Rettore bostru tra diversas personas e familias diversas non solu, ma tra diversas Comunidades, e in su cursu de una sola Caresima; proite mai non pot'eo isperare fundadamente, chi paghe apportet ad Oruni, divisa in se matessi, e non cum ateras comunidades e biddas? In Oruni, ue devet preigare, non pro una Caresima, ma pro totu sa vida, cum sa persuaiva movente de sa parola animada dae su ispiritu de sa religione nostra Santissima, e cum s'attrattiva lusingante de sos esempies de unu educadu cristianamente e bividu sutta de un'ammirabile regula de santa moderazione?

L'intendo, chi calincunu nde dubitat? Ma bei dent esser in Oruni de cuddos, isventurados e infelices, e (menzus dia narrer, suicidas,) sos cales non paghe ma samben fraternu disizende, ma vile vinditta meditandè, non dent iscultare sa boghe de Angela Garzia? Ah! nò! milli boltas eò; non lu credo! Anzis, lu naro, so eo certu e seguru chi ognunu devat considerare Angelu Garzia cale veru parracu cattolicu; e pro consequenzia, cale difensore de s'innocente e convertidore de su reu, cale cunservadore de santidade in sos bonos, cale seminadore de bonas operationes in sos malos; cale in breve unu rappresentante visibile in Oruni de sa invisibile persona de Gesu Cristu. E pro tanto uno dae ipse det esser potentemente ispiutu a s'eserciziu de sa caritate e paziente, sa cale euguzzende sa moltitudine de sos.

peccados, hat a produire su perdonu de sas offesas, dae sas cales est naschida sa discordia consizadora de sa vinditta.

Mentres eo pro tantu, delegadu dae su Piscamu, ponzo in possessu de custa parrocchia su Teologn Angelu Garzia, rappresentadu dae su Procuradore suo; deh pregade cuddu Deus, chi l'hat mandadu, pro chi diat a su parracu bostru sas virtudes Teologales de sa fide, isperanza e caridade in gradu eroicu: sas virtudes cardinales de sa prudenzia, giustizia, temperanza e fortallesa in summu gradu: e i sos sette donos de su ispiridu santu, cum cudda pienesu, chi dados istessint in su cenaculu ! Pregade chi cantu pius innantis su babu benzat a mesu de sos fizos; pro chi bos imparet a connoscher, ad amare, a servire a su Creadore a su Redentore bostru. E gai servende in custa vida cuddu chi amades, amende cuddu, chi connoschides pro Creadore e Redentore, siat pro totu s'eternidade salvadore de su babu, chi est Angelu Garzia, e de sos fizos, chi sezis sas abitudines de Oruni, pro sa intercessione de sa Titolare bostra, avvocada de sos peccadores, Mama de Deus, Maria Santissima. Gai siat.

200



